

Tiliup 2025-imit 2027-mut periusissiaa

Ataani atuarsinnaavat Tiliup piffissami 2025-imiit 2027-mut periusissiaa, Inuit Innarluutilinnut Oqaaseqartartutut atorfimmuut nutaamik atorfinitsitsisoqarnissaa peqatigalugu 2028-mi nutarterneqartussa.

Periusissiatigut suliniutit

1. Sunniuteqarneruneq peqataanerlu:

Inuiqatigiit innuttaasut innarluutillit qanigisaasalu tamarmik ataatsimooqatigiiffigisaat, tusarneqarfigisaat aammalu aalajangiisarnerni sunniuteqarfigisaat Tiliupit angorusupparput. Tamanna isumaqarpoq demokratiskiusumik peqataatitsinissaq sulissutigissagippu, pisortaniinnaangitsoq aammali Tiliortut.

Piffissami uani Tiliup sulissutigissavai:

- Naalakkersuisut Inatsisartullu kaammattussallugit Kalaallit Nunaanni inuit innarluutillit peqatigiiffii aningaasanut inatsimmut aalajangersimasumik ukiumoortumik aningaasaliiffigineqartarlutik ilanngunneqartarnissaat.
- Inuit innarluutillit peqatigiiffiit ukiumut minnerpaamik ataasiaq ataatsimeeqateqartarneq, taamaalluni peqatigiiffiit sulinitinnut pitsaanerusumik sunniuteqarsinnaaniassammata, Tiliup aamma peqatigiiffiit pisariaqartitaat aallaavigalugit sulinissani qulakkeersinnaassammagu.
- Sulinitinni tamatigut innuttaasunik peqataatitsinissaq, peqataatitsinermilu isumannaatsumik ingerlatseriaatsinik pilersitsineq. Tamanna ass. tassaasinnaavoq pitsaanerusumik isumannaallisaanermik suliniuteqarneq imal. innuttaasut suliniutinut/aaqqissuussanut peqataatinneqarnissaannut piumasaqaatit.
- Inuit innarluutillit suliasaqaarfiisa iluani inuiaqatigiinnit aallaaveqartumik allanngortitsinissamut periarfissanik pilersitsineq.
- Inuiaqatigiit politikkikkut suliaqarnermut aamma suliasaqaarfimmuut peqataatinneqarnissaat pillugu politikkikkut pisussaaffik timitaliisumik piviusunngortinneqarnissaa qulakkeerlugu sulineq, uani immikkut inuit innarluutillit suliasaqaarfiisa iluani.
- Inuit innarluutillit pillugit suliasaqaarfimmuut suliffeqaarfiit suleqatitut ilanngunneqarnissaat.

2. Tunngaviusumik ilisimasat pitsaanerusut:

Kalaallit Nunaat ilisimatusarnikkut pisuunerusoq anguniarparput. Takorluugaraarput inuiaqatigiit ilisimasat uppersaatillu tunngavigalugit aalajangiisartut sulisartullu, aammalu inuiaqatigiit tamarmik ilisimasat taakku pillugit ilinniartinneqarsimasut. Ilisimasallu tamarmik tamakkiisumik tamanik pissarsiarineqarsinnaasariaqarlutik.

Piffissami uani Tiliup sulissutigissavai:

- Nunatsinni tunngaviusumik paasissutissanik pitsaanerusunik pilersitsinissaq.
- Pisortat paasissutissanik pitsaanerusunik tamakkiinerusunillu pilersitsisinaanerat qulakkeerlugu sulineq.
- Sumiiffinni aaqqissutinik tulluarsakkanik suleriaaseqartarnissaq.

- Attaveqaaqatigiinnermut periuseq siammasinnerusoq pitsaanerusorlu eqquutsinniarlugu sulineq, inuit sumiiffiillu amerlanerusut tikissinnaallugit.
- Sumiiffinni iliuuseqartunut tunngasunik ilisimasanik amerlanerusunik pilersitsinissaq sulissutigineqassaaq.
- Isumat pigileriikkat allanngortinnissaannut aammalu inuiaqatigiinni inissaqatitsisumik isiginnittaaseqarnissamut sulineq.
- Sumiiffinni ilisimasat suliatsinnut ileqqussaasumik, isumannaatsumik ataqqinnittumillu ilanngunneqarnissaat.

3. Aaqqissuussat ingerlatseriaatsillu pitsaanerusut, naligiissitaaneq aamma inuit pisinnaatitaaffii tunngavigalugit:

Kalaallit Nunaanni inuiaqatigiit innuttaasut aallaavigalugit aaqqissuussaasoq angorusupparput. Aaqqissuussaannermi inuit innarluutillit qanigisaasalu inissaqartinneqarnissaat takorluugaraarput. Aporfiit piiarneqarnissaat inuit innarluutillit innuttaasut allatulli naligiimmik inuuneqarsinnaaniassammata. Suliffeqarfiit toqqissisimanartut, atoruminarsakkat, ineriartortitsinissamut periarfissanik pilersitsisut angorusuppagut. Aamma tamakku periusissat inuiaqatigiinni atuutinneqarnissaat anguniarparput.

Piffissami uani Tiliup sulissutigissavai:

- Inatsisitigut isumannaallisaanermik inatsisillu pitsaanerusumik atuutilersinneqarnissaannik sulineq.
- Tiliumi suliffimmi pissutsit pitsaasuunissaat qulakkeerniarlugu sulineq.
- Tiliq piginnaaneqarluartuq qulakkeerniarlugu sulineq.
- Politikkikkut oqartussat inuit pisinnaatitaaffiini tunngaveqartumik, inissaqatitsisumik aammalu inuiaqatigiinni tamakkiisumik isiginnittumik suleriaaseqarnissaannut sunniiniarnissaq.
- Suliffeqarfinni inuit innarluutillit inissaqartinneqarnissaannut aammalu kikkut tamarmik peqataaffigisinnaasaannik sullissisinnaanissaannut suleriaaseqarnissaamut sunniiniarnissaq.